

Ludivina Monn-Bear, Rueras

(Corr.) Nus essan aunc buca lunsch viaden egl onn 1970 e tuttina ha la mort gia fatg buna raccolta en nossa val. Aschia ha ella danovamein privau nus d'ina prezida convischina, Ludivina Monn-Bear, da Rueras. Ella ei spartida da nus sonda-sontga, ils 26 da mars. Era sch'ella sesanfla ell'auta vegliadetgna dad 82 onns, fa ei lartg, cura ch'ina buna mumma banduna ses cars. Quella mumma ei vegnida surdada alla tiara benedida per la fiasta da Pastgas, aschia che ella ha astgau passar alla levada ensem cun siu suprem Scaffider.

Ludivina Monn lai anavos mo in fegl, nies bien e zun preziau sur prof. Christian Monn a Cuera. El ha celebrau duront igl edificont act funeral la s. messa da sepultura. Sche la defuncta savess leger quest munglus necrolog, che nus espruein da scriver, vegness ella segir a dir: «Mo quai vess tuttavia betga fatg basegns».

Nossa cara defuncta ei naschida igl 1 da matg 1888 a Rueras e quei sco 6avel affon dad 8 fargliuns, dils geniturs Giachen Martin Beer-Jacomet. Els vegnevan numnai «quels dil scarvon grisch» (forsa pervia da ses cavegls grischs!). La casa paterna steva sco ins di «visuloms». Per prighel da lavina an ins transportau quella neuora giudem il vitg. Ils elements dalla natira fagevan gronds quitaus a nos vegls.

Carschida si cun geniturs e fargliuns e gudend ina buna educaziun, eis ella daventada ina gronda e biala matta. Ils 4 da mars 1922 eis ella passada cun Gion Antoni Monn da Rueras avon igl altar per entrar el stan da lètg. Quella ei vegnida benedida da dus affons, dils quals in e morts da baret, ferton ce l'auter, sur Cristian, ha adina giu bien quita da bab e mumma. Per la buna mumma eis ei senza dubi stau ina gronda satisfacziun da veser ch'il Segner ha clamau siu fegl sco spiritual agl altar. Ins po s'immaginar, co quels buns geniturs ein selegrai il di da messa nuviala.

Ils 7 d'avrel 1967 ei il mariu dalla defuncta spartius. Quei ei bein stau ina gronda frida per ella, mo ella ha priu tut sco quei ch'il Segner ha ordinau. Siu sur fegl ha adina giu bien quitau dad ella, entochen la mort. Ils davos dis ha ella suffriu grondas dolurs, avon ch'ella astgi passar alla levada. Nus giavischein ad ella il sognruaus e la glisch pascala sclareschi ad ella ed a nos defuncts. A siu sur fegl ed als parents exprimin nus nossa profunda condolentscha.

Volver